


活怪

法
疴機

單要



活法機要

朱震亨著

編主五雲王

編初成集書叢

種一他其及要機法活

中華民國二十六年十二月初版

發行人

王雲五
長沙南正路

印刷所

商務印書館

發行所

商務印書館
各埠

活法機要

東垣與察古家珍及劉守真病機保命大同而小異矣

泄痢證

臟腑泄痢其證多種大抵從風濕熱也是知寒少熱多故曰暴泄非陰久泄非陽溲而便膿血知氣行而血止也宜大黃湯下之是爲重劑黃芩芍藥是爲輕劑治法宜補宜泄宜止宜上和則芍藥湯上則呵子湯有暴下無聲身冷自汗小便清利大便秘氣難喘息脈微嘔吐急以重藥溫之漿水散是也後重則宜下腹痛則宜和身重者除濕脈弦者去風膿血稠粘以重藥竭之身冷自汗以毒藥溫之風邪內縮宜汗之驚澹爲痢當溫之在表者發之在裏者下之在上者湧之在下者竭之身表熱者內踈之小便澀者分利之盛者和之去者送之過者止之除濕則白朮茯苓安脾則芍藥桂破血則

黃連當歸宣通其氣則檳榔木香如泄痢而嘔上焦則生姜
橘皮中焦則芍藥當歸桂茯苓下焦則治以輕熱甚以重熱
藥若四肢懶倦小便少或不利大便走沉困飲食減宜調胃
去濕白朮茯苓芍藥二味水煎服如發熱惡寒腹不痛加黃
芩爲主如未見膿而惡寒乃太陰欲傳少陰也加黃連爲主
桂枝佐之如腹痛甚者加當歸倍芍藥如見血加黃連爲主
桂當歸佐之如煩燥或先便白膿後血或發熱或惡寒非黃
連不止上部血也如惡寒脈沉或白腰痛或血臍下痛非黃
芩不能止此中部血也如惡寒脈沉先血後便非地榆不能
止下部血也唯脈浮大者不可下

黃芩芍藥湯

方在寶鑑泄痢條下

太黃湯

治泄痢久不愈膿血稠粘裏急後重日夜無度久不愈

者

大黃 一兩

右剉細好酒二大盞同浸半日許煎至一盞半去大黃不用將酒分二服頓服之如未止再服以利爲度復服芍藥湯和之痢止再服黃芩芍藥湯和之以徹其毒也

芍藥湯

方在寶鑑內痢疾條下。

白朮黃耆湯

服前藥痢疾雖除更宜此和之

白朮 一兩

黃耆

柴胡

甘草

參分

一方無黃耆用黃芩半兩

右咬咀均作三服水煎服清

防風芍藥湯

治泄痢食泄身熱脉弦腹痛而渴及頭痛微汗

防風

芍藥

黃芩

已上各壹兩

右咬咀每服半兩或一兩水煎

白朮芍藥湯

治太陰脾經受濕水泄注下体重微滿困弱無力

不欲飲食暴洩無數水穀不化宜此和之

白朮

為藥各一

甘草

伍分

右剉每服一兩水煎

蒼朮為藥湯

治痢疾痛甚者

蒼朮

二兩

芍藥

一兩

黃芩

各

伍分

桂

右剉每服一兩水煎

呵子散

如腹痛漸已泄下微少宜止之

呵子皮

熟各半

木香

半兩

黃連

三分

炙甘草

各

三分

右為細末每服一錢以白朮為藥湯調下如止之不已宜歸

而送之也

呵子散內加厚朴一兩竭其邪氣也

藥水散

治暴泄如水周身汗出身上盡冷脉微而弱氣少不能

語甚者加吐此謂急病

半夏

洗兩分半

乾生薑

炙甘草

桂枝各伍分

良姜

貳分半

右爲細末每服三五錢漿水二盞煎至半和滓熱服

黃連湯

治大便後下血腹中不痛者謂之濕毒下血

黃連

當歸各半兩

炙甘草貳分半

右咬咀每服五錢水煎

芍藥黃連湯

治大便後下血腹中痛者謂之熱毒下血

芍藥

黃連

當歸各半兩

大黃壹分 淡味桂半兩

炙甘草

貳分

右咬咀每服五錢水煎如痛甚者調木香檳榔末一錢服之

芍藥湯

治下痢膿血裏急後重日夜無度

芍藥

當歸壹兩伍分

大黃貳分

黃連

壹分

黃芩

貳分半

木香

檳榔各壹分

右爲末每服五錢水煎

加減平胃散

方在室鑑內泄痢條下

地榆芍藥湯

治泄痢膿血乃至脫肛

蒼朮

捌兩

地榆

貳兩

卷柏

參兩

芍藥

參兩

右咬咀每服一兩水煎病退止

五泄之病胃小腸大瘕二證皆以清涼飲子主之其泄自止厥陰證加甘草以緩之少陰證裏急後重故加大黃又有太陰陽明二證當進退大承氣湯主之太陰證不能食也當先補而後泄之乃進藥法也先前厚朴半兩製水煎二三服後未已謂有宿食不消又加枳實一錢同煎二三服泄又未已如稍進食尚有熱毒又加大黃三錢推過泄止往藥如泄未止

爲腸胃有久塵垢滑粘加芒硝半合宿垢去盡則愈也陽明證能食是也當先泄而後補謂退藥法也先用大承氣湯五錢水煎服如利過泄未止去芒硝後稍熱退減大黃一半再煎兩服如熱氣雖已其人必腹滿又減去大黃去枳實厚朴湯又煎二兩服如腹滿退泄亦自愈後服厚朴湯數服則已

癰風證

癰風者榮氣熱附其氣不清鼻柱壞而色敗皮膚瘍潰風寒客於脉而不去故名癰風又曰脉風俗曰癰治法刺肌肉百日汗出百日凡二百日鬚眉生而止先搗皮散從少至多服五七日灸承漿穴七壯灸瘡愈再灸再愈三灸之後服二聖散泄熱祛血之風邪戒房室二年病愈

搗皮散

治肺臟風毒遍身瘡疥及癰疹瘙癢成瘡面上風刺粉

刺

樺皮

肆兩燒灰

荊芥穗

貳兩

杏仁

貳兩去皮尖用水一盞於銀器內

熱去水壹半已來放令乾用

炙甘草

半兩

枳殼

肆兩去穢用炭火燒

欲灰於濕席上令乾

右件除杏仁外餘藥爲末將杏子另研與諸藥和勻磁合內放之每服三錢食後溫水調下

聖散

治大風癘疾將皂角刺一二斤燒灰研細煎大黃半兩

調下一錢早服樺皮散中煎升麻湯下瀉青丸晚服二聖散

此數等之藥皆爲緩疎油血中之風熱也

七聖丸七宣丸皆治風壅邪熱潤利大腸中風風癘癘風大

便秘澁皆可服之

破傷風證

夫風者百病之始也清淨則湊理閉拒雖有大風奇毒弗能爲

害故破傷風者通於表裏分別陰陽同傷寒證治人知有發表不知有攻裏和解此汗下和三法也諸瘡不差榮衛虛肌肉不生瘡眼不合者風邪亦能外入於瘡爲破傷風之候諸瘡上灸及瘡著白痂瘡口閉塞氣難通泄故陽熱易爲鬱結熱甚則生風也故表脈浮而無力太陽也在表宜汗脈長而有力陽明也在裏宜下脈浮而弦小者少陽也半在表半在裏宜和解若明此三法而治不中病者未之有也

卷之防風湯

治破傷風邪初傳在表

羌活

防風

川芎

藁本

當歸

芍藥

甘草

各肆兩

地榆

細辛

各貳兩

右咬咀每服五錢水煎量緊慢加減用之熱則加大黃三兩
大便秘則加大黃一兩緩緩令過熱甚更加黃芩二兩

白朮防風湯 若服前藥過有自汗者

白朮

黃耆

各一兩

防風

二兩

右咬咀每服五七錢水煎

破傷風藏府秘小便赤用熱藥自汗不休故知無寒也宜速下之先用芎黃湯三二服後用大芎黃湯下之

芎黃湯

川芎

一兩

黃芩

六分

甘草

二分

右咬咀水煎

大芎黃湯

川芎

伍分

羌活

黃芩

大黃

各一兩

右咬咀水煎

羌活湯

治半在表半在裏

羌活

菊花

麻黃

川芎

白茯苓

防風

石膏

前胡

黃芩

蔓荊子

細辛

甘草

枳殼已上各一兩

薄荷

白芷

各半兩

右咬咀生薑同煎日二

防風湯

治破傷風同傷寒表證未傳入裏宜急服此藥

防風

羌活

獨活

川芎

各等分

右咬咀水煎服後宜調蜈蚣散大効

蜈蚣散

蜈蚣一對 鱗伍分

左盤龍

伍分炒烟尽用

右爲細末用防風湯調下如前藥解表不已竟直轉入裏當

服左龍丸服之漸漸看大便硬軟加巴豆霜

左龍丸

治直視在裏者

左盤龍

炒

白殭蚕

炒

鱗

伍分炒

雄黃

一分研

右同爲細末燒餅爲丸桐子大每服十五丸溫酒下如裏證

不已當於左龍丸內一半末加入巴豆霜半錢燒餅爲丸桐

子大同左龍丸一劑每服加一九漸加服至利爲度若利後更服後藥若搐搦不已亦宜服後藥羌活湯也

羌活湯

羌活

獨活

地榆

防風

各一兩

右咬咀水煎如有熱加黃芩有涎加半夏若病日久氣血漸虛邪氣入胃全氣養血爲度

養血當歸地黃湯

當歸

地黃

芍藥

川芎

藁本

防風

白芷

各一兩

細辛

伍分

右爲鹿末水煎

頭風證

肝經風盛木自搖動梳頭有雪皮乃肺之證也謂肺主皮毛實則泄青丸主之虛則消風散主之

雷頭風證

夫雷頭風者震卦主之諸藥不効爲與證不相對也

升麻湯

一兩 蒼朮 一兩

荷葉 全 一个

右爲細末每服五錢水煎或燒荷葉一个研細用前藥調服亦可

胎產證

婦人童幼至天癸未行之間皆屬少陰天癸既行皆從厥陰論之天癸已絕乃屬太陰經也治胎產之病從厥陰經無犯胃氣及上三焦爲之三禁不可汗不可下不可利小便發汗者同傷寒下早之證利大便則脉數而已動於脾利小便則內亡津液胃中枯燥製藥之法能不犯三禁則榮衛自和而寒熱止矣如發渴而白虎氣弱則黃耆血刺痛而用以當歸腹中疼而加之芍藥大抵產病天行從增損柴胡雜證從增損

四物宜詳察脉證而用之

產前寒熱小柴胡湯中去半夏謂之黃龍湯

二黃散治婦人有孕胎漏

生地黃 熟地黃 各等分

右爲細末煎白朮枳殼湯調下

半夏湯治胎衣不下或子死腹中或子衝上而昏悶或血暴下

及胎乾不能產者

半夏麴一兩桂七分半 桃仁三十個微炒去皮尖 大黃伍分

右爲細末先服四物湯二兩服次服半夏湯生薑同煎

增損柴胡湯治產後經水滴斷感於異證手足攣搐咬牙昏冒

繫屬上焦

柴胡八分 黃芩四分半 人參三分 甘草四分炒 石膏四分